



— A G L A I T —

ILLUNAINORTUT.

Nr. 14

Nain, Februar 1904.

Nr. 14

The British and Foreign

Bible Society.

(Sorairninga.)

Opinaratik, angutit 300 it ipkoa angekatigêlauptut Londoneme jâreme 1804 me inôjungnairsimavut illûnatik. Kissianele NâleKab nangminek kairkovait tamât angutit okpertut okpertôkatigênit sunatuinarnit, mallerkovlugit taipkoa tuminginik. Taimaitokarporlo mânatauk Londoneme. Kuviasuklutik kujalivlutiglo uvloksiulârput, tâpkoalo sivorlingillo angijomik saimartaungmatta jârine 100 ne tamakkonane. Ikitotuinarnik okausekaromavunga kaujitilluse, kanok angekatigêt taipkoa sullitsiartitaungmatta Nâlekamut. Angekatigêktokalerkârtinago taipkoninga Gûdib okausingit ablatsângortitaumalauptut inôkatigêt 50 it, adsigêngitunik okauselît okausinginut. Mânna Gûdib. okausingit ablatsângortitaulerput inôkatigêt 300 it, adsigêngitunik okauselît okausinginut nênertauvlutiglo angekatigênut taipkonunga. Aglait Millioncokattartut tillijaumavut angekatigênut taipkonurga jârine 100 ne kângersimajune nunanut sunatuinarnut.



Kaujivose, uvagut Labradoremétogut ikajortautsainar-  
 migagapta angekatigênut taipkonunga, pitatsertauvluta  
 Gûdib okausinginik. Jâreme 1813 me Mattêusib aglangit  
 ablatsângortitaurkârlutik okausipsingnut nêner-tautainar-  
 put. Taipsomanenit pingasuertorlutik âkiktaulerêrput  
 nêner-tauvlutiglo nutâmik. Taimaktauk Testamentitokab  
 aglangit illûnatik nêner-taumavut angekatigênut taipko-  
 nunga. Illa uvaguttauk kujalijutiksakadlar-pogut angeka-  
 tigênut taipkonunga. Kujalinivut sakkertilavuttôk

Gûdivut kujagivlugo, angekatigêt taipkoa aunneringmagit  
 sullitsiartillugillo, Gûdivullo tuksiarvigivlugo, angekati-  
 gênik taipkoninga pitsartutitserkovlugo pijomârtome.

Kissiane assiaguttauk sakkertitsijungnarniar-pogut  
 kujaliniptingnik. Kaujivose, aglait taimaitut senajau-  
 ningat akkekangitomik pijungnangimat. Kikkunut  
 aglait senajauningallo akkilertauvât? Akkiane aglait  
 hailigit illûnatik akkilertausôngovut pissiniartunut,  
 akkikititaugalloarlutik. Aklujunut kissiane tuñijauvut  
 akkekangimmariktomik. Taimak aglait señajaumajut  
 akkingata illanga sakkijâropok. Amma tussa ikauvose,  
 taipsomane jâreme 1804 angekatigêt nangminek tuñitsi-  
 laungmatta kênaujanik aglait nêner-taugianganut. Taimak  
 mâna sulle angekatigêt taipkoa okpertut unuktut tuñitsi-  
 sôngovut tunergutimingnik, angekatigêt taipkoa kajusi-  
 jutigijangat nellautsititauvalliarkovlugo. Kanok uvagut  
 ikajukataujomangilagut, unét kêtârsungmik, aglait Gûdib  
 okausingit siamartitauvalliarkovlugit sillaksoarme illû-  
 nâne? A u k a k. T a i m a i m a t p e r k o j i v u n g a  
 t u ñ e r g u t i t S o n t a g e s i u t i t k a t t e r s o r t a u -



lârtut Makkiviane Aprileme 3me jâreme tamatto-  
mane illingatitaurkovlugit angekatigê-  
nut taipkununga. Tuñergutivut mikijôgalloarpatta  
kanoêlungilak. Tuñituinaruptigik ômamut nellagôrtomut  
assioniangilat. Taimak sakkertitsijungnarniarpoguttauk  
kujaliniptingnik angekatigênut taipkununga, uvloksiorve-  
kalârmatta jâreme tamattomane.

A. Martin.

### Kaujijaksat.

Mânamut aglait hailigit akkekalaungilat illipsingnut.  
Piutiksakangimmariktunut tunnijaujungnarniarput kin-  
gornganetauk akkekartinagit. Angajokâvulle Londoneme  
tussuvut, piutiksakartut akkunapsingne mânamit akki-  
lêrkovlugit aglait akkingata illanganik. Akkilêrkojaungi-  
lase aglait akkemmarianik illainangannigle. Tataminiara-  
se, tagva, aglangnik hailiginik pijomavluse akkilêrkojau-  
gupse mânamit.

Imâk akkekarniarput:

Josua malliktullo 10 cnt Imgerutit 5 cnt

Jesaiase 5 cnt Nellautaijut 10 cnt

Testamentitâk 10 cnt.

Aglait akkingit taimak tunnijauniartut illipsingnut tilli-  
jauniarput angekatigênut taipkonunga Londonemêtunut.

A. Martin.

### Ajokertuijok sivorajuitok.

Ajokertuijok Scott pissugame iglugasaksuit Indiamêtut  
illangita akkorngatigut, takkovok niuvervingme takkor-  
ngartanik tauturluktunik nellojunik. Nakit pingmangâta



taipkoa apperivok okaudjauvorlo illinganingannik napâr-  
tomiunut sivoranartunut kakkâlungnêtunut. Illumigut  
missigivok tagvainak, taipkoa tussartitaksaungmatta  
Gûdib okausinginik. Angerarpok tuksiarlunelo pitsartuti-  
taujomamut. Perkutekullungminik pôksivok parngnailer-  
lunelo aggiarutekotiminiglo neksarivok aularlunelo nello-  
jut taipkoa nunangannut. Illannârijiminut agviartaunasu-  
aralloarpok, sillainartomik pingmagôk. Sullitsengilalle.

Uvlungnik maggungnik pisukpok inuksingimariklune.  
Sunaubvale! tagvainak illumajauvok nellojunut unuktu-  
nut tautorluktunut kallugiarsoalijartunut. Tokotsijoma-  
jutitut illiorput. Nangminerlo nerriukpok tokotauniar-  
nerminik. Sullele maksoavlune agiarutemik tigusivok  
sikkungivlunelo agiarmik attorpok tuksiarlunelo Gûdib  
nertornautinganut. Viasinik pingasunik tuksiarêrame  
kissiane uitarivok. Tattamnamêk! assianik illiortokarpok  
sivornganemit. Kallugiaksoakotitik nellojut sapkupait  
kugvillo kattakput ijinginit. Agiarusjartub tuksiartublo  
pitsartuninganut sâlagijauvut Scottelo piulijaumavok.

Nellojut akkorngane ajokertuijok igloliorpok nunakar-  
porlo tagvane jâringnik maggungnik abvamiglo, Gûdib  
okausinginik ajokertorlugit. Siorniokattarkârlunele atsui-  
lijungnairame, utterpok Amerikamut inûlijaujomamut.  
Nellojut kiksarput uttisairkovâllo ajokertortitik, aular-  
mat. Utteralloarpok, akkuniolungitorle tamattoma kin-  
gorngane angerarpok illuvertauvlunelo pairijame  
nunangane.